



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data:00.2023

Nr:

Ora:

PROJTKVENDIM

PËR

**CAKTIMIN E PARTIVE POLITIKE QË DO TË PROPOZOJNË ANËTARIN E TRETË DHE TË KATËRT
TË GRUPEVE TË NUMËRIMIT TË VOTAVE, PËR ZGJEDHJET PËR ORGANET E QEVERISJES
VENDORE TË DATËS 14 MAJ 2023**

Në mbështetje të nenit 19, pikat 1, shkronja “n”, e 2, nenit 95, pika 2, dhe nenit 96, pika 1, të ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, Komisioneri Shtetëror i Zgjedhjeve

V Ë R E N:

Komisioneri Shtetëror i Zgjedhjeve në zbatim të nenit 96, pika 2, të ligjit nr.10019, datë 29.12.2008, “Kodi Zgjedhor i Republikës së Shqipërisë”, të ndryshuar, dhe udhëzimit nr. 5, datë 16.03.2021, të Komisionerit Shtetëror i Zgjedhjeve “Për procedurat e hedhjes së shortit për caktimin e partive politike që propozojnë anëtarin e tretë dhe të katërt të GNV”, jo më vonë se 30 ditë para datës së zgjedhjeve, organizon në seancë publike hedhjen e shortit, ndërmjet partive politike, për caktimin e partive politike që propozojnë anëtarine tretë dhe të katërt të GNV-ve.

Për caktimin e partive politike që do të marrin pjesë në short, dhe që në bazë të rezultatit të tij do të fitojnë të drejtën për të propozuar anëtarin e tretë dhe të katërt të grupeve të numërimit të votave në ZAZ, Komisioneri bazohet në përcaktimet e Kodit Zgjedhor, konkretisht:

Neni 95, pika 2, parashikon se anëtari i tretë propozohet nga partitë politike të shumicës qeverisëse dhe anëtari i katërt emërohet pas propozimit të partive të opozitës që kanë të drejtë të propozojnë anëtarë të GNV-ve për ZAZ-të respektive, sipas procedurës së parashikuar në nenin 96 të këtij Kodi;

Neni 96, pika 1, parashikon se partitë politike që kanë të drejtë të propozojnë anëtarin e tretë dhe të katërt të GNV-ve, përveç partive që propozojnë kryetarin dhe nënkryetarin e KZAZ-së,

Data: ... 12 2023 Nr:
Ora:



“Për caktimin e partive politike që do të propozojnë anëtarin e tretë dhe të katërt të grupeve të numërimit të votave, për zgjedhjet për organet e qeverisjes vendore të datës 14 maj 2023”

përcaktohen pas hedhjes së shortit në KQZ ndërmjet listës së partive politike të shumicës parlamentare dhe listës së partive politike të opozitës parlamentare të rregjistruara në zgjedhje dhe që kanë fituar jo më pak se dy mandate në zgjedhjet pararendëse për Kuvendin e Shqipërisë. Në çdo rast, pas hedhjes së shortit për çdo ZAZ, të drejtën e propozimit për dy anëtarë të Grupit të Numërimit të Votave e ka një parti e shumicës parlamentare dhe një parti e opozitës parlamentare.

Me vendimin nr. 555, datë 26.07.2017, Komisioni Qendror i Zgjedhjeve ka shpallur rezultatin përfundimtar të zgjedhjeve të datës 25 qershor 2017 për Kuvendin e Shqipërisë. Numri i mandateve të fituara nga partitë politike është si më poshtë:

1. Partia Socialiste e Shqipërisë	74 mandate
2. Partia Demokratike	43 mandate
3. Lëvizja Socialiste për Integrim	19 mandate
4. Partia Drejtësi, Integrim dhe Unitet	3 mandate
5. Partia Social Demokrate e Shqipërisë	1 mandat

Partitë politike që kanë të drejtën për të propozuar kryetarin dhe zëvendëskryetarin e KZAZ-ve, respektivisht Partia Socialiste dhe Partia Demokratike, nuk renditen në listën e partive që do të propozojnë anëtarin e tretë dhe të katërt të GNV-ve;

Parti politike që kanë fituar në zgjedhjet për Kuvendin të vitit 2017, jo më pak se dy mandate, përveç partive që propozojnë kryetarin dhe zëvendëskryetarin e KZAZ-së, janë Lëvizja Socialiste për Integrim, Partia Drejtësi Integrim dhe Unitet.

Për këto arsye, referuar nenit 2, pikat 2 dhe 3, të udhëzimit nr. 5, datë 16.03.2021 të Komisionerit Shtetëror të Zgjedhjeve “Për procedurat e hedhjes së shortit për caktimin e partive politike që propozojnë anëtarin e tretë dhe të katërt të GNV”:

- Nga partitë politike të shumicës parlamentare, Partia Social Demokrate nuk përmbush kriterin e numrit të mandateve për të qënë pjesë e shortit në caktimin e anëtarit të tretë të GNV-ve. Partia Socialiste e Shqipërisë është e vetmja parti e cila plotëson kriterin e numrit të mandateve nga partitë e shumicës parlamentare, për të propozuar anëtarin e tretë të GNV-ve.
- Nga partitë politike të opozitës parlamentare, Partia e Lirisë (Partia Lëvizja Socialiste për Integrim) dhe Partia “Drejtësi Integrim dhe Unitet” përmbushin kriterin e numrit të mandateve, dhe u lind e drejta për të propozuar anëtarin e katërt të GNV-ve. Anëtari i katërt do të përcaktohet në bazë të rezultatit të shortit për çdo ZAZ, ndërmjet Partisë së Lirisë dhe Partisë “Drejtësi Integrim dhe Unitet”.

PËR KËTO ARSYE:

Bazuar në nenin 19, pikat 1, shkronja “n” e 2, nenin 95, pika 2, dhe nenin 96, pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar,

VENDOS:

1. Partia politike e shumicës parlamentare, që ka të drejtë të propozojë anëtarin e tretë të Grupeve të Numërimit të Votave është Partia Socialiste e Shqipërisë.
2. Partitë politike të opozitës parlamentare, që kanë të drejtë të propozojnë anëtarin e katërt të Grupeve të Numërimit të Votave, në bazë të rezultatit të shortit janë si vijon:
 - a) Partia Drejtësi, Integrim dhe Unitet do të propozojë anëtarin e katërt të Grupeve të Numërimit të Votave në tavolinat me numër, në të gjithë ZAZ-të.
 - b) Partia e Lirisë do të propozojë anëtarin e katërt të Grupeve të Numërimit të Votave në tavolinat e numërtuara me numër, në të gjithë ZAZ-të.
3. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
4. Kundër këtij vendimi mund të bëhet ankim në Komisionin e Ankimeve dhe Sanksioneve, brenda 3 (tre) ditëve shpallja e tij.

Komisioneri Shtetëror i Zgjedhjeve

Ilirjan CELIBASHI

Data: .. 12 2023 Nr:
Ora:



“Për caktimin e partive politike që do të propozojnë anëtarin e tretë dhe të katërt të grupeve të numërimit të votave, për zgjedhjet për organet e qeverisjes vendore të datës 14 maj 2023”